

國
朝
文
錄

榕村全集文錄引

榕村全集安溪李文貞公著文貞之學本之朱子而能心知其意極推透以暢其旨不阿附以蓋其失所著書甚具周易尤爲專門承脩之書亦冠絕一代其見於文者大半夫子之言性與天道與所著之書相表裏首卷爲觀瀾錄皆論學論經論性論諸儒論治之作宛然朱子全書規模次爲經書筆記讀書筆錄筆錄曾經御覽其辨甚析後數條則發秦交謙受之旨用意尤深次爲春秋大義春秋隨筆尙不脫胡氏習氣次爲尙書句讀次爲周官筆記次爲初夏錄分爲誠明大學中庸仁智孟子通書太極人物人心

天地性命喜怒等篇次爲尊朱要旨析爲理氣心性氣質智仁勇
知行立志主敬等條類皆闡奧抉疑發前人之所未發次爲象數
拾遺尋不能盡通其說次爲景行摘記則生平所嚮往而誦習者
也第十四卷以下始爲序記論說解辨雜著講義頑疏劄子書傳
墓誌祭贊箴銘等文文格力取法昌黎而去其駁雜氣味近乎子
厚而加以精醇四庫全書提要目爲閎深肅括實爲盡之蓋儒
家淳實之文異於才人之放浪亦文士苦心之作異於講學家之
平板者也今惟錄其序記以下文之明切於事理者得若干篇其
他窮性命析理氣闡圖書原象數者率不錄非敢略也以爲此皆

抉經之心執聖之權極理之要當與朱五子書並讀而不當與唐宋八大家同觀故不敢遽出以餉人也昔閩百詩先生謂東周無孔子堯舜如長夜南宋無朱子孔子如長夜予則謂當今無李厚庵先生雖朱子亦如長夜以之從祀孔廟實爲允宜乃予前言之盧容庵先生欲其以李文貞公與湯文正公並誦而文貞不與其後閩人奏祀黃忠正公而文貞復不與非憾事歟吾師莫寶齋先生爲陽明之學者也亦心服文貞解經之精謂近世噴有煩言須俟五百載論定之後豈非然哉上高李祖陶撰

榕村全集文選目錄

卷一

進讀書筆錄及論說序記雜文序

進大司樂釋義及樂律論辨序

大學古本私記舊序

韓子粹言序

名文前選序

己丑房書遜志集序

代

家譜序

上諭泰山脈絡恭記

河圖論

聞樂知德論

畱侯武侯論

人說一

人說二

詩說

朱陸析疑

卷二

讀韓子

記握奇經

算法

厯法

文廟配享私議

課王生仲退

書漢書諸侯王年表後

蠟丸疏

覆樂律數表劄子

命魏廷珍等寄示學習樂律所得覆奏劄子

御製朱子全書序文發示恭謝劄子

賜示輿地全圖覆奏劄子

孝子王原傳

施將軍逸事

書吳伯宗尋弟

榕村全集文選卷一

安溪李光地厚庵著

後學上高李祖陶欽

高安胡照離午

○○進讀書筆錄及論說序記雜文序

康熙十有九年閏八月之五日

皇上退朝 御乾清門顧問臣光地家居所作文字若干臣不勝惶懼歸而收拾舊業大抵皆經生家言不足以塵乙夜之覽又不敢以虛 淸問謹以讀書筆錄四十條及論說序記之關於學者十篇繕寫爲一卷進呈而恭爲之序曰臣惟學之於天下大矣自

古未有言學者。言之自殷高宗與。傳說始彼其所謂多聞學古時。敏遜志。與夫教學之相半。終始之克念。又曰非知之艱。行之維艱。此皆自後世聰明才智之士。所不屑。酌意於其間者。而彼以天縱之君。帝賚之佐。孳孳相勉。若將不及。是以君則繼成湯嘉靖于殷國。臣則與阿衡媲美于有商。學之關於治道。有如此。蓋古今之言學者。莫不曰帝王之學。與儒生異。臣以爲不然。夫溺于技藝。滯于章句。以華藻自娛。以涉獵相高。豈帝王哉。雖儒生非所尚也。若夫窮性命之源。研精微之歸。究六經之指。周當世之務。則豈特儒者之所用心。帝王之學。何以加此。蓋高宗所謂恭默以思者。惟命之用心。帝王之學。何以加此。蓋高宗所謂恭默以思者。惟命。

之源精微之歸也。其所謂學而有獲者，經訓之旨也。其所謂監而罔愆者，當世之務也。此古今言學之宗，亦古今爲學之準也。肆我皇上天挺其姿，神授之識，生知乃復好古，將聖而又多能。然皆習焉而不畱，過焉而遂化。詩、文字、畫、厯、算、工巧，莫不精其道焉，而無所滯於心。其所以潛思實體，朝講夕誦，積年累月，而不憚寒暑，風雨而不休，則非堯舜之道，不使陳於前也。非天人性命之書，不以遊於意也。臣愚無知竊謂

皇上非漢唐以下之學，庶虞三代之學也。臣窮海末，儒蔽於聰明之不足，局於聞見之孤陋，四十無聞，沒身爲恥。今太陽之下，燭火

益微抱卷趙起阻越無地然臣之學則仰體

皇上之學也近不敢背於程朱遠不敢違於孔孟誦師說而守章句佩服儒者屏棄異端則一卷之中或可以見區區之志焉臣又觀道統之與治統古者出於一後世出於二孟子序堯舜以來至於文王萃五百年而統一續此道與治之出於一者也自孔子後五百年而至建武建武五百年而至貞觀貞觀五百年而至南渡夫東漢風俗一變至道貞觀治效幾于成康然律以純王不能無愧孔子之生東遷朱子之在南渡天蓋付以斯道而時不逢此道與治之出於二者也自朱子而來至我

皇上又五百歲應王者之期。躬聖賢之學。天其殆將復啓堯舜之運。而道與治之統復合乎伏惟。

皇上承天之命。任斯道之統。以升于大猷。臣雖無知。或者猶得依附末光。而聞大道之要。臣不勝拳拳。

以高宗傳說爲論學之宗。遂極論帝王之學與儒生本同。既以頌揚亦自見身分。

○○進大司樂釋義及樂律論辨序

臣惟古之王者治定功成則必有作蓋非苟爲彌文以飾觀聽而已禮樂不可斯須去身亦不可以一日不行于天下是故尊卑上下截然有制民志定而遜讓之風行者禮之實也君臣父子藹然相親人心和而敦厚之俗成者樂之意也篤其實而舉其文厚其意而修其節則禮樂之用所以著因其節文而求其實意則禮樂之道所以存自漢以來禮樂崩壞不合于三代之意者二千餘年而樂爲尤甚蓋自諸經所載節奏篇章器數律呂之昭然者而紛紛之說終不能以相一又况乎精微之旨所謂與天地同其和者

哉。臣逃亂空山之中。僅以十三經自隨。間以暇日。參取經文之及。
於樂者。會萃成編。深思極索。追求古人作樂之本。與夫羣言旨趣。
之同蓋。有互相發明者。自大舜后夔以至武王周公。若合一契。信
乎大樂之必易。而今之樂由古之樂者。斯言不我欺也。居嘗別爲
樂理。樂節。樂章。樂舞。樂器。樂律六篇。以諸經之文爲主。以史記漢
書。淮南以下諸說爲輔。將以下成一家之言。上備有司之采條。貫
已具。潤色未完。其已脫橐者。則周官大司樂釋義。及論說數篇。竊
不自量。繕寫爲一卷。進呈伏惟。

皇上純誠至孝。舜之所以感神也。於鑠王師。武之所以求定也。文

德武功巍然煥然今四方粗靖稽古禮文之事勢當相沿而起昔魯兩生謂禮樂百年乃可興也臣竊疑之蓋兩生知高祖之輕備術故爲是言以避召命耳若夫禮樂則豈可一日不行於天下而必待百年不可知之化哉今四海靡靡風聲頽敝等威無辨而奢僭不可止聯屬無法而鬪爭不可禁奢僭者犯上之階也鬪爭者作亂之本也由此言之辨上下以定其志教親愛以導其和此誠禮樂之實之意其講之豈可一日緩哉記曰無本不立無文不行神而明之者本也舉而措之者文也謂宜搜召名儒以至淹洽古今之士上監於夏商近稽自漢唐以降考定斟酌成一代之大典

以淑天下而絕萬世。臣雖區區末學，猶將執持所見，與諸儒上下其議論焉。至於建中和之極者，一人之事，專其業精其藝者，世官之守非敢臣所能知也。

淳意高文發揮亦極有力

○大學古本私記舊序

大學舊本自二程子各有更定。朱子因之。又加密焉。訂爲今本。然五百年來不獨持異議者。不允。自金華諸子元葉丞相明方學士。以至蔡虛齋林次崖數公。皆恪守朱學。而羣疑朋興。遞有竄動。所不能泯然於學者之心。補傳其最也。地讀朱子之書。垂五十年。凡如易之卜筮。詩之雅鄭。周子無極之旨。邵氏先天之傳。呶呶紛爭。至今未熄。皆能燭以不惑。老而愈堅。獨於此書。亦率勉應和焉。而非所謂心通而默契者。間考鄭氏注本。尋逐經意。竊疑舊貫之仍文。從理得。况知本誠身二義。尤爲作大學者樞要。所有似不應使。

○韓子粹言序

韓子之文之學。非漢以下其周之衰。講切於孔氏之徒者乎。故言其繼孟子者。非獨文家如歐蘇稱之。雖二程亦云然。學自濂洛後真儒輩出。於今益光矣。譬之日馭公其啓明乎。譬之行旌公其慮無乎。若文之一道。則其至者簡質明銳。以視西漢能者。邈乎過之。八百年來。聲希響微。不可追矣。公言學聖人之道。自孟子始。吾亦言學古人之文。自公始。雖然。公平生不以文人自域。而公之學。由文入者也。故其所玩愛以嬉者。並傳於今不廢。朱子所謂浮華放浪之習。富貴利達之求。公蓋不自掩焉。今摘公文授子孫輩。則擇

其發於理濟於事者而文之簡質明銳亦似非他酬酢所及欲令後生識文章之正的且以發明公之雅志嗚呼公欲削孫揚之不合者附於經有能用公之意釐公之書者則度越况雄爲不少矣愚謗非其任也

韓文專取其簡質明銳蓋又是一副眼孔故先生之文輒似之

○名文前選序

制舉之文可傳乎。曰可。其原蓋出於義疏之流而稍叶以俳儷者也。其法雖起於點劄之新學。然觀洛闡以來訓義講說用其體者多矣。蓋窮經之學以剖析爲功。故談經之文亦不以櫛比爲病也。由是觀之。剖擗而能有發於聖賢之意。有助於儒先之說。雖與義疏注解佐佑六經可矣。前代自洪永之間設科取士。以經義爲先。至於中世王贊諸家輩出。而其道始盛。今擇其至者。則不過熟讀章句。或問大全之書。專精於先儒之說而已。以故其取財甚。雅馴而○出○之○各○有○不○利○非洙酒濂洛之精華。不收也。其持論甚敬謹。非孔孟程朱之脣歟。

不貌也。其傳神甚微細。非聖賢之語。脈文意則不敢搏合控勒。而縱橫以駁驅也。後之讀者以爲質。此如成周之季。謂先進野人者。以經義初指揆之。旣極彬彬。無以加已。嘉隆以後。異說盛流。師傳毀棄。材則兼收。夫子史論則出入於秦漢。又其甚者。則佛老之緒餘糟粕而已。至於破體壞法。踔躡倒尤。韓子所謂雜亂無章。而轉相夸毗。侈爲至極。彼不知經義設科之意。初不如此也。我

朝始復表章經學。尊重儒先程朱之書。廢而復用。斯文之運。蓋將跨越前代。雖然。觀前代制科盛晚之際。蓋古人所謂採風問樂。正變之林。治忽之徵也。讀者其可無辨乎。是選也。得於正嘉以前者。

多而隆萬理法之未漓者附焉目之曰前選。

制藝初體如此讀之真邈然天上○取材甚雅馴持論甚敬謹傳神甚微細惟先生能爲此言惟先生之文能得此意

○○己丑房書遜志集序

代

爲文貴清而賤濁。何則。神氣盛。則清。衰。則濁也。水之源盛。故雖挾潢汙。驅塗泥。而不渾。及其源塞。流斷。則與溝澗沼沚同觀。葦茂萍青。無益於穢也。人之盛也。耳目言貌。清明溢溢。或衰病。則反是繁詞縟飾。無益於昏也。雖然。神氣者。物之主。而有所以主乎。神氣者。則其道大。而說長矣。以文章一事論之。詞氣之清。由于神氣之盛。直源根。神氣之盛。根於義理之明。義理之明。本於學術之端。與人心之正。是亦道大而說長者也。國家養士七十年。尊經崇儒。以一天下。之趨。於是人文之成變。而逾上彬彬之運。不期然而已。丑之春。十

五國鄉賓者與計偕來余忝分校焉榜發之晨聽禮部吏唱姓名
則余平日傾心宿仰之畏友爲多覆檢其文又喜名實之無相謬
也諸君釋褐後富有以窗藝相投者大抵與闡文氣味皆近理真
而詞健格整而聲和昏緩浮鬱之氣警然收肅然靜矣聞與同學
成君絅齋精搜而詳擇之得三百餘首或疑其才氣浩瀚辭藻淹
茂者反不錄焉余曰是選之意欲揚其波而使之彌清故不得不
有所棄也括古今詩咏之才人格情歌舞之後與之挹山水之觀梁肉之餘爲之進清芬之
味固宜有索然興盡者然及其氣之平神之靜亦莫不樂此之景
遠而味長也然則豈獨作文者發於神氣之流讀文者亦關乎神

氣之效。余故敍之以寓鄙意。且以問南中之故人。余言狂乎否也。
猶有多名下而文闕焉未之見者。庶幾續此而贈我以兼金乎。
清氣往來讀之令人意遠。

家譜序

余家宗禮有古之遺者四執鬯者或以宗或以爵或以年德然祝
版之辭則宗子先焉蓋亦猶宗法之權也有達者則以其秩祭無
達者則以祖田備土禮焉蓋亦猶世祿之變也廟奉遠祖不附近
親然有貴者賢者有勤勞於祖宗者則升配食焉蓋亦猶宗有德
者之道也先是禁止於春秋先君子攷諸伊川家廟以冬至祭初
祖元日祭先祖法而修之以合氣始形始之義蓋亦猶古今祭禮
之衷也故曰魯一變至於道禮缺有間矣吾宗斯其近古者乎若
夫譜之設所以濟宗之窮吾家之譜其爲善亦有三焉本以宗法

而聯之所以。長也。標其爵命而榮之所以貴也。繫之傳紀而彰之所以賢也。三者備矣。然後昭穆序焉。名分嚴焉。勸戒彰焉。嗚呼。自樸祖以來。二百餘年。所以維繫糾結而不愈疎代。有修明功。豈鮮哉。革命前後四十年間。乾道變化。巨室凋零。衣冠宗廟之貽譜牒。莫繫之繼。燬滅銷沉於兵火流亡。所在而是。繫吾祖之澤。基址依然。文獻足徵。族屬散而還聚。詩書歇而復興。先君子恭承祖志。始出大難之中。靡有室家營廟。是首先靈既安。覃及于宗。於是蒐拾遺乘。屬仲父以經始。是譜也。成於癸丑之冬。遭閩大亂。未刻以頌。先君子拳拳賣志焉。越己未夏。仲季二父掀舊文而盡心。

諭宗老以遂事。修改研摩。益備以精。兄弟外親之強力通敏者。又相與核而成之。族人赴義。資足工良。於是譜與宗二者俱煥光地。讀之泣然興曰。宗譜之修廢家之興衰之占也。夫家替於睽。隆於聚。宗與譜所以聚其睽而使之有統也。夫是以入廟者觀譜者。識長長之義。則知所以尊祖焉。識貴賤之義。則知所以尊王焉。識賢賢之義。則知所以尊聖焉。夫能尊祖尊王尊聖。而其材不蕃。家不大者。未之前聞。嗚呼。祖宗崑崙也。孫子河淮江漢也。合而分。分而至于不可復合。自非有疏滯者。而道之歸勢且相衝。相激。相觸。涣散橫流而不可止。故夫親疎不敍恩義。不修而斁倫匹族。終

于離且乖者。何以異。是由此言之修宗譜者之功。不在禹下。其亦可法也。夫其終不可忘也夫。

正大典則不刊之文

上諭泰山脈絡恭紀○○

臣嘗因奏事罷

上顧問泰山之脈何處生來。臣以中州之脈對。且曰古泰山在河之南。今河既南遷。則泰山在其北。應是山脈已爲河斷。
上曰非也。果是山脈水不能斷。泰山之脈乃自遼左而來。今金州與登州夾岸相對。纏數百里。海中有山島十餘。錯落橫渡。卽山東諸山脈絡從來處也。臣退而伏思之。禹貢導山。自導岍及岐至八于海。是一條西傾。朱圉鳥鼠至陪尾。是一條導嶓冢至大別。是一條岷山之陽。至敷淺原。是一條四條之列。自北而南。中原形勢大。

略盡矣獨疑青兗徐揚之山不在四條之內謂非水所經歟則兗
乃河入海之處揚乃江入海之處也謂其山不足表識歟則岱宗
嶽之長嶠夷陽之谷堯舜所測候而柴望也謂非禹跡所掩與則
禹治水施功正自兗清始故前敍九州既以岱表青徐之域又曰
蒙羽其翼且傳載禹會諸侯于會稽正揚州之鎮也而四條之山
無一及之何耶又此四條者惟北條曰至于碣石入于海其餘三
條或盡于豫州而曰至于陪尾或盡于荊州而曰至于大別或盡
于揚州之上游而曰至于敷淺原皆不紀其入海之山比之北條
爲甚短又何耶說禹貢者略而不講蓋數千年矣今恭繹

聖誨還證古經。然後知禹貢四條之山。但以中原脈絡可見者言之耳。北不踰塞垣。南不踰嶺徼。蓋其脈絡不在九州中土。則禹跡之所未窮也。泰山之脈。既自塞外橫海而來。自登萊以盡于青徐。而江浙閩廣之脈。又皆自嶺外迴環抱江而上。自江右之大庾嶺。分支南盡於閩廣。而北盡於江浙。此兩條者。蓋天作而地成之。以爲中原之左右藩護。而推其脈絡所自來。則非中原之山。而塞嶺以外之山也。塞嶺之上流禹所未至。故禹貢於導山闕之也。夫是以北條諸山盡于冀州之境者。不得不長其餘三條諸山。接于青兗徐揚之境者。不得不短此。以知聖人之智。沿流汎源。如此其精。

而聖人之經存信闕疑又如此其謹倘非

皇上灼知而發明之則遺經之指于載夢夢也

臣恭惟

皇上之學既專於道德性命之源而其暇力則自易象律曆天文地理算數聲音農田水利無一不窮其理造其妙心堯舜禹之心傳堯舜禹之道故凡堯典之歷象舜典之樂律禹貢之山川亦至是而始一明也

臣不勝惶悚

聖說奇創文更木禹貢以發揮之而又推出江浙閩廣之山脈亦皆自嶺外迴環而來實能盡宇內之奇發千古之覆

○○○河圖論

昔者聖人之作易也。明於陰陽之運。察乎日月之紀。窮乎鬼神禍福之微。究乎人事吉凶之兆。故立象以盡意。衍蓍以極變。使夫知其道者。則知神之所爲。而玩其占者。亦足以獲天之祐。而動无不利。然則聖人之於易。雖微河圖。其可無作乎。蓋圖者。天之所以啓聖人之心。易者。聖人所以承天之意。天人之際。未有不相符而可以有作者也。自孔子大傳所列十數五位。若指諸掌。又曰河出圖洛。出書聖人則之。而究其蘊。則曰。所以成變化而行鬼神也。嗚呼。可謂盡矣。變化日行于天地之間。凡夫動靜明晦。開闔出入。枯菀。

存化之雜然於吾前者皆是也而其所以然之機則謂之鬼神夫
天地之所以爲天地者以有鬼神變化也而河圖具焉然則作易
之精意亦舍圓奚取哉仲尼旣歿易道湮廢自卦爻之詞昭然具
存固已盡失其義又况乎天人授受之秘有在於語言文字之表
者無惑乎其不傳也漢之儒者雖不能曉暢精微而守之未失至
于有宋經學爲盛而異言轉多劉牧以九爲河圖十爲洛書比之
舊傳正爲顛倒歐陽修不信大傳遂與河圖洛書皆以爲虧而并
棄之惟朱子表章發明而圖書始顯然自元以來挾異見而滋羣
疑者尙不勝其粉墨故四千餘年理義象數之宗書契文字之祖

以。至。于。今。昧。昧。也。愚。學。易。十。餘。載。既。知。返。之。圖。書。以。求。其。端。而。竊。
疑。夫。爲。之。說。者。何。紛。然。其。擾。也。於。是。盡。去。五。行。生。克。之。論。碧。加。此。有。生。克。之。論。真。
陽。奇。耦。之。數。縱。橫。而。推。之。逆。順。而。播。之。然。後。始。得。不。疑。于。圖。書。之。
理。與。夫。聖。人。所。以。則。之。之。由。蓋。河。圖。之。半。奇。半。耦。者。兩。儀。之。分。也。
四。方。者。四。象。之。判。也。一。二。三。四。六。七。八。九。互。爲。內。外。者。八。卦。之。交。
也。中。宮。五。十。者。太。極。元。氣。之。所。居。也。此。其。大。致。也。以。其。分。限。言。之。
則。陽。始。於。北。而。盛。於。東。消。於。南。而。終。於。西。故。在。圖。之。奇。數。則。北。東。
居。內。而。南。西。居。外。也。陰。始。於。南。而。盛。於。西。消。於。北。而。終。於。東。故。在。
圖。之。耦。數。則。南。西。居。內。而。北。東。居。外。也。內。者。主。之。位。也。外。者。賓。之。

位也。得位爲主而用事。則日進而盈。失位爲賓而不用事。則日退而虛。夫自寒暑二氣之所以升降。日月明魄之所以死生。大而元會。之所以循環。細而呼吸。之所以出入。無一非盈虛之變也。無一內外之交也。君子小人之進退。天理人欲之消長。學術之所以邪正。世道之所以汙隆。無一非盈虛之變也。無一非內外之交也。甘苦之相生。憂樂之相因。禍福之倚伏。吉凶之反覆。無一非盈虛之變也。無一非內外之交也。以易而言之。則乾龍之潛藏。而天地之心見矣。姤豕之蹢躅。而冰霜之勢成矣。內陽而外陰。則爲泰交之盛矣。大往而小來。則爲斂德之時矣。是故內外之位。賓主之分。

進退之勢盈虛之理圖者圖此者也卦者畫此者也以邵堯夫八
卦之位觀之則自震之一陽歷離兌之二陽以至于乾是在方之
卦皆陽內而陰外無異夫河圖之左方也自巽之一陰歷坎艮之
二陰以至於坤是右方之卦皆陰內而陽外無異夫河圖之右方
也然則所謂則圖而作易誠如合符而比節非天地不能開其先
非聖人不能承其繼也若夫五行之儀四象之文生克之變老少
之交得乎此者其於衆說統之矣欲歸夫易卦之本指其無先以
眾說亂之而可哉

精論獨闢中間直包括無遺

○○聞樂知德論

禮樂二者皆聖人所以治天下之具。然禮先而樂後。禮以制治而樂以成象。故曰於樂觀其深矣。言其本於性情。流乎德化。其效至於渝肌浹髓而不自知。故孝經曰安上治民莫善於禮。移風易俗莫善於樂。此知政知德之說也。且夫政與德固相爲表裏之謂。非政則德無所施。非德則政無所本。德者人君所躬行而心得。而禮樂則皆政之屬也。今以政歸禮。以德歸樂。何哉。蓋本德以敷政。則禮於是行。而民以節矣。以其先也。故言政者歸之禮也。政成而德洽。則樂於是興。而民以和矣。以其後也。故言德者歸之樂也。雖然。

此

下重加洗

樂之所自作者非一。有陳祖宗之功德者。則如商之元王相土成湯武丁周之后稷公劉古公王季后嗣述而歌之者是也。有象已之功德者。則如韶樂作於舜大武作於武九成以象代堯六成以象滅商。聽其歌。觀其舞。則知其當日之事與志者是也。若乃朝會燕饗。征行愷還。則殺其交歡之心。致其勤勉之誠。道其閑勞盡下之意。於以被之絃。功用之朝廷學校。至於民間鄉黨閭巷之樂。則多采之謠俗之所得。如周有二南。邶鄘以下十五國之什。漢有趙代秦楚之謡。而擇其辭之美。志之善。可以語。可以道。古於以用之。黎庶而以感民心。以淑民身。此則樂之大致然也。然此四者。源流

之所。自。不。同。而。皆。謂。可。以。觀。德。則。又。何。哉。恭。祖。宗。之。德。德。也。已。之。
德。亦。德。也。上。下。交。而。志。同。德。之。行。也。感。人。心。而。天。下。和。平。德。之。至。
也。故。曰。聞。其。樂。而。知。其。德。也。漢。氏。以。還。四。者。之。迹。僅。存。而。其。意。微。
矣。故。郊。廟。宮。庭。間。巷。之。所。用。猶。是。也。然。班。固。謂。漢。郊。廟。詩。歌。未。有。
祖。宗。之。事。則。所。謂。陳。祖。宗。功。德。者。無。矣。武。帝。天。馬。之。歌。汲。黯。之。
不。悅。秦。王。破。陣。之。樂。魏。徵。之。所。不。觀。則。所。以。象。已。之。功。德。者。悖。矣。
君。臣。賡。答。之。詩。固。多。有。之。然。頌。美。相。悅。之。辭。多。而。忠。愛。交。勉。之。誠。
寡。且。又。未。嘗。叶。管。絃。示。臣。庶。也。則。朝。廷。學。校。之。聲。衰。民。間。沉。汚。鄭。
衛。之。俗。千。年。不。變。而。鄉。黨。間。巷。之。音。歌。所。以。然。者。其。立。國。根。本。既。

無積德累仁之事。而又禮法之不制。教化之不修。三綱之不正。九疇之不敍。太和之俗不成。故雅頌之聲不興。使其樂猶在也。吾知不必季札子貢而知其德之涼矣。然則樂之道其終不可復乎。曰。總歸到此亦視其德而已矣。孟氏有言。今之樂由古之樂也。祖宗功德不可強矣。誠能制禮法。修教化。正三綱。敍九疇。其本正矣。然後取郊廟朝廷之樂。潤色其聲音。略論其律呂。務使學士大夫皆能習其文。而知其意。拊其節。而通其道。至民間之樂。雖未可以驟變。然所謂默成於風俗。而潛移於人心者。其理不可諱也。風俗既成。人心既移。則卽今俗樂。而頗采姚江王氏之論。取其有孝弟忠貞節烈之

行而歌舞之。以興善志。以助淳風。以爲復古樂之漸。禮樂之道。夫豈遠乎哉。此之不務。而列代修文之主。好古之儒。方且役智弊神于黍尺鍾律之間。似乎伶倫之筩。不得而樂卒不可興者。此劉向臯陶之刑之論可爲三復而歎息也。

條晰指陳。洞中理解。文亦縱放。收束極乎自然。

○○留侯武侯論

留侯武侯皆漢之傑也。論者或以留侯出必於其機應必於其會。其事漢也若賓。其避漢封以行其志。若神龍之變化於八紵之内而不可羈以繫也。武侯者正志於結托之初。自任以復興之重。忘乎時之不可爲以瘁其軀。於是乎疑二子者所學之術殊所趣之致異故其出處始終大較不同若此雖然君子之於人蓋莫大乎論其世也。留侯之君非漢也韓也雖識漢王於邂逅之間知天授之主而韓國猶存則於漢有不純臣之議及乎韓亡而歸漢而後主臣之交定矣前此之往來去就於漢者蓋古之君子拳拳故舊

之心。豈若戰國之士。朝暮秦楚者哉。九域已一。叛亂已除。雄都已建。嫡貳已定。時則謝成功。遠人事。託意寓言。導引辟穀。武侯處草廬之中。承三顧之誼。授合之契。厚許與之分明。及乎託六尺而專國命。統戎行而興漢室。任重道遠。無有休時。蓋其職然也。假令留所謂論世正須及復推物。侯生季興。而負重寄。充其傾家報韓之心。鞠躬效死。殆非所難。而使武侯從容指顧之間。大業早就。則躬耕之初服。淡薄之本志。其與飄然世外遊者。意豈異哉。論者又謂武侯宏毅忠壯。慨然展布四體。以盡其心。畱侯優游謫諫。每若有所懷而難發。故一則有從容之論。一則有正大之褒。夫古之君子。其出也。所以直已行志也。

然亦將以順時體變。宏濟于艱難。是故外度其主。內度其身。遇之不同。而其應異焉。况乎武侯晚年。閭外之寄。而留侯初終帷帳之臣也。在易坎之六四。近君以濟險。而曰納約自牖无咎。蹇之六二。得其正應。居外不難。則曰王臣蹇蹇匪躬之故。豈可以是疑坎四之委蛇。矜塞二之亮節哉。傳曰。二多譽。四多懼。近也。武侯厲蹇二之節。故在外而譽不虧。留侯有納約之心。故居中而事獲濟。人或

二卦之義。畱侯武侯當之矣。愚嘗尙論三代之下。以合於三代之英。以謂莫先于義利之間。莫大乎父子君臣之際。良之功成漢室。

而不居亮死之日。家無餘蓄。其高致同也。良報五世相韓之恩。亮

追先帝之過其大節均也此其志如日月之光而行有冰霜之潔
豈區區功名之士贊世之流哉或者乃謂亮三顧而出而良未免

再發一意筆有餘妙

於挾策干人以爲優劣夫良有不共戴天之怨於虎狼之秦有能
報之者良所從也秦項滅而良之志畢良豈區區功名之士哉故
曰君子之於古人豈苟焉而已亦莫大乎有以論其也也

禹稷顏子易地則皆然必具此見解始足以知人論世第二段
以易證之尤明

○○人說一

○先○從○人○身○打○遍○天○地○

日月。吾身之耳目也。五行。吾身之氣血骨肉也。風雨雲霧雷霆雪霜。吾身之吹噴噓呵汗洟涕液也。稚壯老者。天地之一終一始也。疾病康甯者。天地之一治一亂也。晝有爲宵有夢者。天地之出明入幽光照靈秘也。是故世之治也。次、則、舉、三辰順六氣和。岸谷高深河嶽翕墮人鬼之分判。地天之通絕。王道休明而怪神寥闊。及其亂也。日月告凶。星辰顯慝。灣蕪交吞陵原倒易。妖孽之變生而顯道爲民惑人之康也。則清華上浮。純美內益。滋潤營流。官骸滌盥。神明含於中宮。客影沒於夢寐。及其病也。瞶爾而晦。蕩然而荒。火升水

降精曠魂。盲虛邪盛。發而聞見不祥。是故天地亂。則人失其職身。
病則心爽。其常吁。次合發補出心字爲之主安○過○此○人者天地之主。心者形氣之君也。心無病。則身
病。何由作。此○奇○有○在○各○奇○人無亂。則天地之亂。何由根。故病起於心。而亂興于人。
善醫者。按脈引理。以療其腑臟。善治者。揆時察變。以理其人倫。人
治則兩儀自得。心平則百體皆春。故曰人者天地之心也。又曰聖
人。以天地萬物爲一身。是故古之聖者。致中導和。體信而達順。效
斯術者。謂之虞唐。鄭魯以下。世傳其方。不明乎此。則不足以建人
位。而稱皇負大道。以佐王。

此與下篇皆奇文。大文韓昌黎不得專美。

○人說二

父母所生曰子。草木實亦曰子。說文者曰。子者孳也。動植有子而生道不窮矣。故人之爲天地子也。天地○萬物○萬物○人天地之道所由不窮者也。禽與獸之生于天地也與人同。然言繼天地者不存焉。譬之人則五穀也。禽獸則稊秕也。人則嘉果也。禽獸則酸辛也。夫人者中和之氣寓焉。肖天地之本然。則其名天地子也宜矣。人而曠乎其爲人者。五穀而化稊秕者也。嘉果而變酸辛者也。故完之與天地相似而失之者違禽獸不遠。聖賢者全體所生。使之蓄其種者也。帝王者全付所覆。使之廣其植者也。樹之神盡於實。天地之神盡於人舍。

人而言。天地之道者。譬猶棄實而談枝華。必迷其名而誤其種矣。是故良農善圃。孜孜於美其實。欲其植之廣也。又欲其種之蓄也。聖人賢士。孜孜於善其身。善其類。欲貴天地之貴者。於不毀也。又欲久天地之久者。於無窮也。

以韓柳之格力。發程朱之義理。于古無前。于今無偶。

○○詩說

詩之說爲先儒所汨沒。至朱子而始得其意。然其可疑者猶非一
而是蓋先儒之說謂雅頌者朝廷之詩也。宗廟之詩也。西周之詩
也。國風自鄉廊以下列國之詩也。東周之詩也。二南文王之詩幽
風則周公之詩也。然如鄭衛之武公秦之襄公如序者之說固非
盡東周矣。小雅之篇所謂周宗既滅靡所底戾赫赫宗周褒姒滅
之此亦豈西周之調哉。惟幽風之爲周公可信。若頌則有成王不
致康。噫嘻成王不顯成康者既足以明其非盡周公之作而魯頌
則僖公詩也亦不得謂東遷之後無頌也。且以事理揆之風者天

子命太史陳詩而得者也。西周之盛。巡狩慶讓之典行。故風謠達焉。及其既東。則天子不巡狩。太師不采風也。舊矣。今乃西京之采樂府之藏。無一篇在者。而盡出於東遷之後乎。則其詩又孰采之而孰收之也。如謂夫子周游所得。則季札觀樂於魯。而其篇什既備矣。魯存六代禮樂。故自韶箋夏濩以下。皆具。曾謂昭代樂府。列國之詩。太師之所掌者。盡皆亡歟。而反取東遷以後。不隸於樂府。莫之采。而莫之收者。以與易象春秋並藏。而與韶夏濩武雅頌迭奏。必不然矣。先儒惟局於東西周之說。故於孟子所謂詩亡者。必曰雅亡也。蓋既以雅爲西。而風爲東。則王迹熄。自旣東。故曰雅亡。

也。近代長洲顧炎武反其說曰詩亡者直謂風亡云爾蓋西周之天子詩陳于列國察其風俗知其政教而賞罰行焉此義明則春秋不作可也其篇什既亡軼而無有存者則賞罰之義不明而春秋所以作余謂先儒之說既偏顧氏殆亦蔽於先儒之說從而爲之辭而並不可信以愚論之十五國之詩必也輯出古意盡空前人東西周具有焉而後可通也不獨風爾大小雅之詩亦必東西周具有焉而後可通也西周之時巡狩述職通于天下禮樂征伐自天子出故其巡狩也風詩作而慶讓黜陟隨之其述職也雅詩作而慶讓黜陟亦隨之古今之風雅云者大抵此類也其東周以後之風雅則亦列國

之遺俗。時有傳篇。京周之故老。閔時思舊。各以其體附之者也。二南。蓋西周畿內之風。而不盡出于文王。頌亦西周列廟之樂。而非盡作于周公。如此則風詩所謂淇澳緇衣。雅詩所謂周宗。既滅。褒姒滅之。二南所謂王姬之車。周頌所謂不顯成康云者。不亦釋然而皆可通已乎。孟子詩亡云者。蓋言風雅俱亡也。東遷以後。巡狩述職不行。則風雅俱亡矣。縱有所謂舊俗之歌謡。故老之詠慨。然皆變風變雅之餘音。而無當于明時黜陟勸懲之義。則其謂之亡也。固宜。春秋具列國之貞淫治亂。而施褒貶焉。則風之指也。明于事之禮樂征伐。而謹僭濫焉。則雅之指也。詩亡然後春秋作意。蓋

分別春秋以辨詩之風雅。尤細。

如此也。然則其有王風何也。曰。二南。西周。畿內之風也。王風。東周。畿內之風也。以畿內之有東西。則知列國之亦兼東西也。王風。列於邶鄘衛之後。何也。曰。無他意也。衛爲殷都。故不夷於列國。如頌之。以商繼周者耳。以服事殷。革命猶尊焉。文武周公之志也。曰。當時紂在北方。而文王之化先行於南。故其詩曰。南。如子之說。則南之義。奚取焉。曰。謂文王之化行於南國者。蓋見詩有漢廣江沱之章。是亦傳會之說云爾。北鄙之風。殺伐而南方之風。和厚。故舜作五絃之琴。以歌南風。然則二南云者。但取其風之和。而非以其地之限。詩曰。以雅以南。以籥不僭。雅正也。南和也。二雅二南之名。其

以此而起興。嗚呼。如前之說。則先儒之義不可沿者多矣。朱子之傳。少變序說。世之詬厲者至今未熄。若如此而盡變之。其不以爲怪妄幾希。雖然。不直則道不見。而古人有蓄疑之戒。直其所疑。以俟夫世之君子學者之事也。

盡掃雲霧。然後日月晶明。昔人所謂階銳廓清。比于武事者也。

○修德說

人生所重惟在修德。德者何也。吾性中所自有中庸所謂性之德者是也。其本則自天地而來。與天地不相似。則謂之悖德。易言天地有四德。曰元亨利貞。然統之者元也。其在人曰仁。禮義智。然統之者仁也。惟其統於元也。故曰天地之大德。曰生。惟其統於仁也。故朱子曰。仁者心之德。然則人而不仁者。如德何哉。德以仁爲本。仁以孝爲本。凡人生來有愛父母兄弟之摯情者。此其終身立德之基也。然恐自幼而長。逐物變化。如孟子之所云。故聖賢教人。不失其赤子之心。而益加以充養之道。誦詩讀書。欲其感發開明。於

此也。敏行慎言，欲其維持保任於此也。溫恭朝夕之間，常自檢省。
此謗然之意，常流乎此。廓然之心，常在乎此。乖厲，輒自消磨。有褊
狹，輒自開拓。無論父母兄弟之親，故舊朋友之愛，卽自州里至於
行路，常使矜憫含容之意多，憤疾較爭之事少。如此，則爲有德之
人。然後禮以節之，義以成之，智以通之，庶幾乎可以進於德之盛
矣。

于籠統中特指出愛父母兄弟之摯情一層，極有把握。以下層
層拓開，亦令人首肯。

○○○朱陸析疑

有宋中葉。運膺五百之期。天顯聚奎之象。其所以紹絕學理。遺經使聖人之道復明於斯世者。豈偶然哉。周邵程張。皆以先覺之資。在道統之重。又幸而相師相友。講明其所未至。其淵源所漸。所以深造直達於聖人之蘊者。必有非後人之所能窺者矣。虞廷羣后。鄒嶧諸哲以來。於斯爲盛。是以千餘年之蕪翳。堙塞啓之闢。之攘。之剔。之聖人之道。灼乎其可見。坦乎其可循。嗚呼。其功可謂偉哉。南巡以後。而朱子出焉。祖孔孟。宗周程。正六經。黜百氏。躡中庸之堂。而入其室。雖聖人有作。不能易也。而在當時。與象山。陸氏。其學。

終不能以相一。後世隨聲之徒。入者附之。出者汙之。始也安于性之所近。繼遂執爲門戶之見。而不可回。嗚呼。彼固不知朱子。然亦何足以知陸氏哉。夫陸氏之論。躬行必先於明理。其言窮理必深。思力索以造於昭。而不可昧。確然而不可移。此固與朱子知行之學同歸。而其心悟身安。言論親切。雖朱子亦且感動震矜。而爲之左次。然則朱陸之道。豈如一南一北之背而馳哉。其始終大致所以不合者。陸氏之反約也。速成功也。近其教人之法。則徑而多。○易○斯○言○陳朱子之用力也。漸衛道也。嚴其教人之法。則周而無弊也。夫破末俗之陋。傳聖賢之心。洗訓詁之訛。發精微之意。若是者。固二子。

之所同心。然惟其訛且陋也。則必有以矯而正之。爬梳剔抉其枝葉。以達于本根。使夫精微之意。聖賢之心。學者有所望而至焉。豈可謂是無益之業而不復措意於其間乎。孔子聖人也。問禮于老聃。問業于萇宏。問官於郯子。假年學易。至於韋編三絕。而不能休歟。夏商之文獻不足。足則吾將往而證焉。仲尼亦胡爲是孳孳而事此無益之業哉。所謂爻武之道。未墮於地。而天之未喪斯文者。蓋在乎此也。雖莫大於易。易莫大於先天。先天之學不傳久矣。自堯夫發之。而陸氏以爲非作易之意。無極之妙。主靜之宗。自濂溪啓之。而陸氏以爲是老子之旨。性之所以善。心之所以仁。主敬之。

要知行之方。自程氏兄弟明之。而陸氏以爲與孔孟之言不相似。凡如此類皆可以見其講學之疏。而其議論舉指之間。猶未免于精神用事。而氣不可掩。不如朱子之粹然平中。有以極其規矩準繩於無憾也。揆厥所由。陸氏蓋見世之支離沈溺。而不能以自振。故刊落擺脫。直接乎孟氏之傳。然愚竊觀夫孟子之時。發明人心。而無述作者。去聖未遠。此傳特爲分別。羣經大備。故第啓管籥。示關津。以爲當世。人心對弱之弊而已。自漢以來。道喪文弊。禮樂詩書。掃地而盡。異端邪說。諸子百家。紛紛藉藉。相亂學者。顛倒眩瞀於其中。何由而見聖人之宗乎。濂洛諸子。扶持整頓者未幾。或疑或信。若明若昧。

又綿延而將絕。是故朱子之疏。著述以終其身。殆有所不得已。

再提仲尼

也。昔周之衰。王道廢而舊章亂。邪說繁而大義乖。於是仲尼討論

墳典。述帝王之道。正雅頌之篇。除九邱。黜八索。修明禮樂之遺文。使萬世道術有所統一。朱子之心。孔子之心也。若以六經爲注脚。章句爲俗學。豈獨足以病朱子。又上以爲孔堯矣。由此言之。陸氏之學。得無極高明而失之過反。說約而弊。則疎者乎。是故陸氏之學。吾儒之學也。其閑道也。猶謹其擇言也。猶精非若明之中。世儒墨老莊。混爲一途。始也師其意。後也言其言。靡然遂入于二氏。而不可反者也。雖然。追原其弊。則謂非陸氏爲之端不可。蓋朱子之

跋甚

言曰今之以學自立者門戶衰壞唯陸子靜精神啓發其流禍未
艾也嗚呼賢者之爲慮豈不遠哉竊觀自朱子而後幾四百年之間守其學者崇正經敦實履循循乎其不畔遠乎中明士大夫自以其意爲學於是乎章句不足守文字不足求甚而典訓不足用義理不足窮經術文字議論行檢胥爲之一變而風聲大壞矣傳曰差之毫釐謬以千里又曰不知其形視其影生今之世有欲爲聖人之學者與吾願謹而擇之其有世教之責者與吾願審而思之

處處提出孔子作案遂使接孟子之傳者不得開口其文亦明

辨以哲絕無爭心末仍推重陸子不與陽明一例尤爲持平。當時有三大儒平湖專宗朱子不容一語出入安溪宗朱子而能別白其是非雖州宗朱子而亦兼取陽明其疑大學補傳與安溪同而不詆毀先儒與平湖異。